



Maniitsoq, 4. januar 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqqutit:**

**Paaserusupara suna pissutigalugu suliffeqarfiit pisortanit ingerlanneqartut Pisortaarfii Maniitsumiittussanngorlugit inissinneqartartut sooq illoqarfinnut allanut nussorneqarnersut, soorlu aamma Greenland Venture 2009-mi illoqarfimmut allanut nuunneqarsimanersoq?**

**Aammalu maanna tusarakku Polaroil Maniitsumiittup 12-nik sulisoqartup Sisimiunut ukioq 2010 Sisimiunut nuutinnaireqarnera sumit peqquteqarnersoq aammalu iluoornersoq ?**  
(Ruth Heilmann, Siumut)

**Tunngavilersuut:**

Maniitsumi innuttaaqataalluni aammalu politikkikkut akisussaaqataalluni taamatut ukiortaami innuttaaqatinit tusagaqarluni nuanneeqaaq akueriuminaallunilu.

Ukiut arlaqartut matuma siorna Maniitsumut suliffeqarfiit annertuut soorlu KNI-p Pilersuisup Qullersaqarfissua KNI-Service Maniitsumiittussanngortinneqarpoq. Taamanikkut Maniitsumi suliffeqarfiit annertuut annaaneqarmata Royal Greenland-ip aalisakkanik suliffissuaq matummagu suliffissaaleqineq annertooujussuaq pilersinneqarmat akileraarutigullu annaasat matussuserniarlugit KNI-p Qullersaqarfia aammalu Energi-division Polaroil maani Maniitsumi ingerlanneqartussanngorlugit politikkikkut aalajangiisoqarpoq. Maaniitsumi allaffissamik inissaqartitsisoqarluarnera periarfissaqarluarmat taamaaliorneq pissutissaqarluavissimavoq. Taamatut iliuuseqarneq Maniitsumut iluaqutaasimaqaaq aningaasaqarnikkut aammalu innuttaasunik qiimaallaataallunilu nuannaarutigineqarnera ersarilluinnarpoq. Taassuma kinguinngua pakatsinaqisumik KNI-p Qullersaqarfissua Sisimiunut nuutsinneqarpoq, Maniitsumi innuttaasut 100-missaat malittaallu taamaalillutik annaaneqarlutik. Tassa aamma maanna taamaaqataanik Maniitsoq annaasaqqittussanngorpoq, isumaqarpunga taamatut iliorneq politikkikkut ikannerusoq akueriuminaalluinnartoq.

Apeqqutaasut oqaaseqaatillu Naalakkersuisunit tigulluarneqarnissaat neriutigaara. Maniitsormiut pakasarneqartuarnerat naammaleqaaq. Taamaattumik Polaroilip Maniitsumiiginnarnissaa anguniarlugu Naalakkersuisut sukkanerpaamik qanoq iliuuseqartariaqarput.

Ukiortaami pilluaritsi.

Ruth Heilmann  
Siumut